



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-3-40-343-6/22**

Datum: **01.09.2022. godine**

«Agencija za vodno područje rijeke Save» rješavajući po zahtjevu podnesenom od strane JKP „Čistoća” d.o.o. Čelić za izdavanje vodne dozvole za ispuštanje otpadnih voda u rijeku Šibošnicu, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99 i 61/22), **donosi**

RJEŠENJE **o vodnoj dozvoli**

1. Daje se vodna dozvola JKP „Čistoća” d.o.o. Čelić za privremeno ispuštanje otpadnih voda u rijeku Šibošnicu, sa urbanog područja općine Čelić, naselja Čelić, Ratkovići, Brnjik i Vražići.

Ova dozvola se odnosi na identificirani privremeni ispust iz kanalizacione mreže (kolektor „B”) na desnoj obali rijeke Šibošnice:

REDNI BROJ	Ispust	Položaj mjesta ispusta
1	Glavni ispust DN300 (kolektor „B”)	Na desnoj obali r. Šibošnice, izliv kolektora „B”; (X;Y) 4954244.58; 6565818.43

2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
- 2.1. Da se objekti koji čine kanalizacioni sistem održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separativni sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrirati i što hitnije poduzeti aktivnost da se isti priključe na postojeće glavne kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, izvrši priključenje objekata na javnu kanalizacionu mrežu.
 - 2.5. Da se redovno vrši održavanje obale i korita rijeke Šibošnice na mjestu ispusta u cilju nesmetanog pristupa istom.
 - 2.6. Da se, prilikom izdavanja odobrenja za priključak na gradsku kanalizacionu mrežu, od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u prirodne recipijente i sisteme javne kanalizacije («Službene novine Federacije BiH», broj: 26/20 i 96/20).
 - 2.7. Odobrenje na priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) te u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se u periodu važenja ove dozvole izradi Operativni plan interventnih mjera u slučaju incidentnih zagađenja a sve u skladu sa članom 11. stav (3) i članom 12. Pravilnika o postupcima i mjerama u slučajevima akcidenata na vodama i obalnom vodnom zemljištu («Službene novine Federacije BiH» broj 71/09 i 102/18).

- 2.9. Da se tokom važenja ovog Rješenja vrši monitoring otpadnih voda na ispustu glavnog kolektora ili u zadnjem revizionom oknu neposredno prije ispusta definisanog kao privremeni ispust, u tački 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
- 2.10. Da za vrijeme važenja ovog rješenja nadležini Općinski organ na inicijativu operatera kanizacionog sistema donese odluku o odvodnji otpadnih voda u svemu prema odredbama člana 54. Zakona o vodama.
- 2.11. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17 i 41/20).
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa članom 170. Zakonom o vodama („Službene novine Federacije BiH“, broj 70/06) i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Prava stečena po ovom Rješenju o vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. U periodu važenja ove vodne dozvole korisnik iste je dužan provoditi sve mjere i aktivnosti propisane ovom dozvolom.
7. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
8. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JKP „Čistoća“ d.o.o. Čelić, obratilo se ovoj Agenciji dana 01.07.2022. godine, sa zahtjevom za donošenje rješenja o vodnoj dozvoli za privremeno ispuštanje otpadnih voda u rijeku Šibošnicu sa urbanog područja općine Čelić.

U provedenom postupku dostavljena je i pregledana je sljedeća dokumentacija:

- Rješenje o izmjenama podataka, broj: 032-0-Reg-21-001637 od 01.11.2021. godine izdato od strane Općinskog suda u Tuzli – ovjerena kopija,
- Uvjerenje o poreznoj registraciji od 15.11.2021. godine izdato od strane Porezne uprave- Kantonalni ured Tuzla – ovjerena kopija,
- Kopija rješenja o odobrenju za građenje kanalizacije Glavnog kolektora „B“ broj: 02-23-1567/12 od 28.02.2014. izdata od strane Službe za urbanizam, stambeno komunalne, imovinsko pravne i geodetske poslove općine Čelić,
- Kopija rješenja o odbijanju zahtjeva, broj: UP-I-25-1-40-128-2/10 od 17.03.2010. godine, Agencija za vodno područje rijeke Save, Sarajevo – kopija,
- Akt Ministarstva poljoprivrede, šumarstva i vodoprivrede broj: 04/1-13-25-33559/09 od 23.02.2010. godine – kopija,
- Geodetska situacija kolektora „B“ – elektronska forma - CD,
- Dokaz o uplaćenju upravnoj taksi.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da dostavljena dokumentacija ne sadrži potrebne podatke. Dopisom broj: UP-1/21-3-40-343-2/22 od 08.07.2022. godine zatraženo je od podnosioca zahtjeva da dokumentaciju upotpuni u roku od 15 (petnaest) dana od dana prijema dopisa. Dana 01.08.2022. godine podnosilac je dostavio traženu dopunu dokumentacije i to:

- Kopija Odluke o opštim uslovima za priključenje na novoizgrađeni kanalizacioni sistem, broj: 01-49-475/09 od 20.05.2013. godine;
- Informaciju o stepenu izgrađenosti kanalizacione mreže na području općine Čelić i broju priključenih stanovnika na predmetni kolektor.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak ispusta otpadnih voda i tom prilikom sačinjen zapisnik o uviđaju broj: UP-1/21-3-40-343-4/22 od 19.08.2022. godine.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Odvodnja otpadnih voda urbanog područja zasniiva se dominantno na kolektoru „B” dužine cca 6560m, kojim se prikupljaju otpadne vode naselja Čelić, Ratkovići, Brnjik i Vražići sa direktnim ispustom u otvoreni vodotok, r. Šibošnicu, bez prethodnog tretmana. Stepenn izgrađenosti kanalizacione mreže na području općne Čelić je 30%. Broj priključenih stanovnika na predmetni kolektor iznosi cca 2550 stanovnika. Kolektor „A” egzistira iz ranijeg perioda, položen je uz Čeličku rijeku i prema izjavi predstavnika podnosioca zahtjeva uključen u kolektor „B”, odnosno na zajednički ispust u vodotok. Privremeni ispust kolektora „B” (DN300) u rijeku Šibošnicu je izveden uz desnu obalu rijeke, cca 400m uzvodno od ušća r. Šibošnice u rijeku Gnjiću.

Na osnovu dostavljene dokumentacije i uviđaja izvršenog na predmetnom lokalitetu, podnosiocu zahtjeva su ovom vodom dozvolom, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, propisani uslovi u skladu sa odredbama Zakona o vodama, Pravilnika o sadržaju, obliku, uslovima načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije koji se trebaju ispoštovati u toku važenja istog.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, JKP „Čistoća” d.o.o. Čelić ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu takse iz tar. br. 43. Zakona o federalnim upravnim taksama i Tarifii federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Uplaćeni su i posebni troškovi prema Zaključku ove Agencije, broj: UP-1/21-3-40-343-4/22 od 22.08.2022. godine.


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih upravnih taksi.

Voditelj postupka:

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- JKP „Čistoća“ d.o.o. Čelić, ul. Alije Izetbegovića 53-2, 75246 Čelić
- ⊖ AVP Sava, ISV – Vodna knjiga;
- Sektor 50,
- Sektor 40, arhiva
- oglasna ploča AVP – Sava